

Vinnuskjal unnið af leikskólaskrifstofu skóla- og frístundasviðs vegna Hólaborgar og Suðurborgar, febrúar 2019:

1. **Stöður leikskólastjóra** beggja leikskólanna eru lausar frá 1. apríl nk.
2. **Legg leikskólanna.** Leikskólarnir Suðurborg og Hólaborg standa við Suðurrhóla í Breiðholti þ.e. Suðurborg við Suðurrhóla 19 og 23 en Hólaborg við Suðurrhóla 21. Loftlína á milli húsanna er u.þ.b. 43 metrar. Lóðir leikskólanna liggja saman en aðeins girðing skilur þær að. Lóð Suðurborgar er að hluta til í halla en lóð Hólaborgar flöt og minni.
3. **Samstarf leikskólanna.** Leikskólarnir Suðurborg og Hólaborg hafa verið í margvíslegu samstarfi s.s. um mál og læsi t.d. í gegnum Breiðholtsverkefnið LÆM, í tengslum við árlega listsýningu í Hólagarði og sameiginlega starfsdaga og námskeið fyrir starfsfólk s.s. námskeið í skyndihjálp. Þar til fyrir þremur árum voru leikskólarnir einnig með sameiginlega sumarhátíð.

Suðurborg

Suðurborg er sjö deilda leikskóli fyrir 113 börn. Sex deildir ásamt sameiginlegum rýmum eru í aðalbyggingu og ein deild í litlu húsi innan lóðar. Aðalbygging leikskólans er á tveimur hæðum og sumarið 2018 var byggt við efri hæðina til að bæta aðstöðu starfsmanna og sérkennslurými og koma fyrir lyftu.

Aðalnámskrá og starfsáætlun. Leikskólinn Suðurborg hefur ekki gefið út skólanámskrá á grunni Aðalnámskrár leikskóla frá 2011 og ekki liggur fyrir starfsáætlun fyrir skólaárið 2018-2019 heldur greinargerð um að unnið sé á grunni starfsáætlunar 2017-2018.

Ytra mat var framkvæmt í leikskólanum árið 2015. Tækifæri til umbóta eru nokkuð mörg, umbótaáætlun var skilað og þurfti lagfræringa við. Lítið gerðist í vinnslu við umbótaáætlun leikskólans.

Suðurborg

Stjórnun	Uppeldis- og menntastarf	Mannauður	Leikskólabragur	Innra mat
Stjórnandinn sem faglegur leiðtogi	Skipulag náms og námsaðstaðar	Hlutverk leikskólakennara	Viðmót og menning	Skipulag og viðfangsefni
Stjórnun leikskólans og daglegur rektor	Uppeldi, menntun og starfsáætlun	Fagmennska starfsfólks	Velferð og lífan barna	Gagnaflun og vinnubrögð
Faglegt samstarf	Leikur og nám – lýðræði, jafnrétti og þátttaka barna	Starfsnáegja	Þátttaka foreldra í leikskólastarfi og upplýsingamiðun	Opinber birting og umbætur
Leikskólabróun og símenntun	Námsvið leikskólans		Viðhorf foreldra	
Skólanámskrá, starfsáætlun, áætlanir og verkjagreglar	Leikskóli án aðgreiningar/ leikskóli margbreytileikans			
	Mat á námi og velferð barna			

Innra starf: Í starfi Suðurborgar er lögð áhersla á að vinna með Positive Behavior Supports (PBS) eða stuðning við jákvæða hegðun.

Sérhæfður leikskóli. Á árinu 2014 fékk leikskólinn það hlutverk að vera þekkingarleikskóli/sérhæfður leikskóli vegna atferlisþjálfunar einhverfra barna. Í dag eru í leikskólanum 4 börn sem njóta atferlisþjálfunar vegna greiningar eða gruns um einhverfu.

Viðbygging og stækkun leikskólans á árinu 2018 var ekki síst til að mæta fjölgun starfsfólks samhliða sérhæfðu hlutverki hans.

Börn af erlendum uppruna: Í Suðurborg eru 53 börn af erlendum uppruna.

Starfsmenn: Í Suðurborg eru 42 starfsmenn í 33,41 stöðugildum (eldhús meðtalið). Hlutfall uppeldismenntaðra (*hlutfall leikskólakennara og annars starfsfólks með uppeldismenntun á háskólastigi í faglegu starfi, þ.m.t leikskólastjóri og sérkennsla*): **31%**

Hólaborg

Fjöldi barna: Hólaborg er þriggja deilda leikskóli á einni hæð fyrir 50 börn og verða þau 48 eftir fækkunina 2020.

Fjöldi barna af erlendum uppruna: Í Hólaborg eru 23 börn af erlendum uppruna.

Skólanámskrá og starfsáætlun: Skólanámskrá Hólaborgar var gefin út 2017 og byggir á Aðalnámskrá leikskóla frá 2011. Allt starf í Hólaborg tekur mið af uppruna, reynslu og félagslegri stöðu barnanna og fjölskyldna þeirra. Þegar námsleiðir eru valdar er haft í huga hvað sé best fyrir barnið hverju sinni. Einkunnarorð Hólaborgar eru hamingja, heilbrigði og sjálfræði og leikskólastarfið grundvallast á þeirri sýn að börn séu hæf til þess að skapa sér sjálf góðar aðstæður til að vaxa í og fá aðra til að vaxa með sér. Áhersla hefur verið lögð á það síðustu ár að auka flæði í leikskólastarfinu og leggja áherslu á ferilmöppur, skráningar og hópastarf. Starfsáætlun skólans var skilað í október og var hún samþykkt með athugasemdum til umbóta.

Ytra Mat: Leikskólinn hefur ekki farið í ytra mat

Starfsmenn: Í Hólaborg eru 19 starfsmenn í 16,82 stöðugildum (eldhús meðtalið). Hlutfall uppeldismenntaðra (*hlutfall leikskólakennara og annars starfsfólks með uppeldismenntun á háskólastigi í faglegu starfi, þ.m.t leikskólastjóri og sérkennsla*): **28,5%**

Álit í lokin: Með sameinaðri yfirstjórn eru líkur á að sterkur stjórnandi gæti styrkt stöðu vinnumenningar leikskólanna tveggja, m.a. með því að nýta styrkleika beggja skólanna inn í fagstarfið. Áframhaldandi uppbygging sterkrar menningar með öflugum stjórnunarteymi er líklegt til að ná árangri í fagstarfi sem eykur líkur á að laða að fagfólk. Í fræðum er sterk menning skóla tengd árangursríkum stjórnunarháttum sem er líklegt til að leiða af sér öflugt fagstarf.